

სახელმწიფო შესყიდვის ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად და დაზუსტდება გამარჯვებული პრეტენდენტის წინადადების შესაბამისად.

ქ. ბათუმი

2020 წელი

ერთის მხრივ, საქართველოს საკონსტიტუციო სასამართლო, შემდგომში წოდებული „შემსყიდველ ორგანიზაციად“, წარმოდგენილი _____ სახით და მეორეს მხრივ, _____ წარმოდგენილი _____ სახით, შემდგომში წოდებული „მიმწოდებლად“, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები:

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი ორგანიზაცია“ – პირი (ორგანიზაცია), რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურების გაწევას ამ ხელშეკრულების ფარგლებში.
- 1.6. „მომსახურება“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ – ხელშეკრულების პირობების შესრულების კონტროლი.

მუხლი 2. ხელშეკრულების საგანი (შესყიდვის ობიექტი)

საქართველოს საკონსტიტუციო სასამართლოს საჭიროებისათვის დანართი N1-ის შესაბამისად საინფორმაციო მომსახურების სახელმწიფო შესყიდვა (CPV – 92400000).

მუხლი 3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს _____ ლარს.
- 3.2. ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების პირობების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება ეტაპობრივად, *ფაქტობრივად გაწეული მომსახურების ღირებულების მიხედვით*, უნაღდო ანგარიშსწორების ფორმით, ეროვნულ ვალუტაში, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

4.2. შემსყიდველი ორგანიზაცია იღებს ვალდებულებას გადაუხადოს მიმწოდებელს გაწეული მომსახურების ღირებულება მიღება-ჩაბარების აქტის გაფორმებიდან და თუ მიმწოდებელი დღგ-ს გადამხდელია, საგადასახადო ანგარიშ-ფაქტურის, ხოლო თუ მიმწოდებელი არ არის დღგ-ს გადამხდელი, შემოსავლების სამსახურიდან შესაბამისი ცნობის წარმოდგენიდან 10 (ათი) სამუშაო დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

4.3. დაფინანსების წყარო: 2020 წლის სახელმწიფო ბიუჯეტი.

მუხლი 5. მიღება-ჩაბარების წესი

5.1. გაწეული მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ხელშეკრულების პირობების შესრულებაზე კონტროლის განმახორციელებელი პირის/პირების დადებითი დასკვნის საფუძველზე.

მუხლი 6. მომსახურების გაწევის ადგილი და ვადები

6.1. მომსახურების გაწევის ადგილია საქართველოს ტერიტორია.

6.2. მომსახურების გაწევის ვადაა ხელშეკრულების დადებიდან - 2020 წლის 31 დეკემბრის ჩათვლით.

მუხლი 7. მხარეთა ვალდებულებები და უფლება-მოვალეობანი

7.1. შემსყიდველი ორგანიზაცია უფლებამოსილია:

ა) მოითხოვოს მიმწოდებლისგან მომსახურების გაწევა სათანადო ხარისხითა და სრული მოცულობით;
ბ) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულების ინსპექტირება;

გ) მომსახურების გაწევის დასრულებამდე გამოითხოვოს მიმწოდებლისაგან მისთვის საჭირო დოკუმენტი.

7.2. შემსყიდველი ორგანიზაცია ვალდებულია:

ა) უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს ხელშეკრულებით გათვალისწინებული მომსახურების პროცესს;

გ) შემსყიდველის ორგანიზაციის მიერ მიმწოდებლისთვის გაგზავნილი გასავრცელებელი მასალების შინაარსზე და სისწორეზე, ასევე მათთან დაკავშირებულ საავტორო უფლებების დარღვევაზე აიღოს პასუხისმგებლობა.

7.3. მიმწოდებელი უფლებამოსილია:

მოსთხოვოს შემსყიდველ ორგანიზაციას გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.4. მიმწოდებელი ვალდებულია:

ხელშეკრულებით დადგენილ ვადებში და ადგილას გაუწიოს შემსყიდველ ორგანიზაციას მომსახურება.

მუხლი 8. ხელშეკრულებით ნაკისრი ვალდებულებების შესრულების ინსპექტირება

8.1. შემსყიდველი ორგანიზაციის მიერ ხელშეკრულების პირობების შესრულების კონტროლი განხორციელდება ხელშეკრულების შესრულების ნებისმიერ ეტაპზე.

8.2. ხელშეკრულებით ნაკისრი ვალდებულებების შესრულების ინსპექტირებას განახორციელებს პროტოკოლისა და საზოგადოებასთან ურთიერთობის დეპარტამენტის უფროსი - გიორგი ლომთაძე და ამავე დეპარტამენტის მთავარი სპეციალისტი - თამარ მჟავანაძე.

8.3. ინსპექტირება გულისხმობს მიმწოდებლის მიერ ხელშეკრულების პირობების შესრულების (გასაწევი ან/და გაწეული მომსახურების მოცულობის, ხარისხისა და ვალდებულების შესრულების ვადების) კონტროლს.

8.4. მიმწოდებლის ბრალეული მოქმედების შედეგად ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

მუხლი 9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარე უფლებამოსილია ვალდებულების დამრღვევ მხარეს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი ორგანიზაცია იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 1 (ერთი) თვით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში, შესაბამისი მხარე არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 13. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ელექტრონულად ხელმოწერის დღიდან და მოქმედებს 2021 წლის 31 იანვრის ჩათვლით.

მუხლი 14. სხვა პირობები

14.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2. ხელშეკრულება შედგენილია ქართულ ენაზე. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. წინამდებარე ხელშეკრულებაში ნებისმიერი ცვლილება ან დამატება განხორციელდება წერილობით და ძალაშია ორივე მხარის უფლებამოსილი წარმომადგენლის ხელმოწერის შემდეგ.

14.4. „დანართი N1“ (ტექნიკური დავალება) და „დანართი N2“ (ფასების ცხრილი) თან ერთვის ამ ხელშეკრულებას და წარმოადგენს მის განუყოფელ ნაწილს.

შემსყიდველის რეკვიზიტები:

მიმწოდებლის რეკვიზიტები:

საქართველოს საკონსტიტუციო სასამართლოსათვის საინფორმაციო მომსახურების გაწევის ტექნიკური დავალება (დანართი N1)

მიმწოდებელმა უნდა უზრუნველყოს:

1. საკონსტიტუციო სასამართლოს საქმიანობის, ჩასატარებელი/ჩატარებული ღონისძიებების (პრესკონფერენციების, პრეზენტაციების, კონფერენციების და ა.შ) შესახებ ანონსების/ინფორმაციების მომზადება, მიმწოდებლის ვებგვერდზე განთავსება და სხვადასხვა მედიასაშუალებებისათვის ელექტრონული ფოსტის საშუალებით მიწოდება (ხელშეკრულების მოქმედების პერიოდში 120-ჯერ შემსყიდველის მოთხოვნის შესაბამისად);
2. საკონსტიტუციო სასამართლოსათვის მნიშვნელოვან/საინტერესო საკითხებზე ინტერვიუების და კომენტარების მომზადება, მიმწოდებლის ვებგვერდზე განთავსება და სხვადასხვა მედიასაშუალებებისათვის ელექტრონული ფოსტის საშუალებით მიწოდება (ხელშეკრულების მოქმედების პერიოდში 20-ჯერ შემსყიდველის მოთხოვნის შესაბამისად);
3. შეთანხმებული თემით მიმწოდებლის ვებგვერდზე გამოკითხვის ჩატარება (ხელშეკრულების მოქმედების პერიოდში არაუმეტეს 10-ჯერ შემსყიდველის მოთხოვნის შესაბამისად);
4. საკონსტიტუციო სასამართლოს მიერ მიწოდებული ვიდეომასალის შეძლებისდაგვარად მოკლე დროში მიმწოდებლის ვებგვერდზე არანაკლებ 24 საათით განთავსება და საკონსტიტუციო სასამართლოს პრესრელიზზე მიბმა (ხელშეკრულების მოქმედების პერიოდში არაუმეტეს 15-ჯერ შემსყიდველის მოთხოვნის შესაბამისად);
5. ქალაქ თბილისის და ქალაქ ბათუმის მასშტაბით გამართული საკონსტიტუციო სასამართლოს ღონისძიებების ფოტო-გადაღება (თითოეულ შემთხვევაში არანაკლებ 10 (ათი) ფოტო) (ხელშეკრულების მოქმედების პერიოდში 30-ჯერ შემსყიდველის მოთხოვნის შესაბამისად);
6. მიმწოდებლის ვებგვერდზე არსებულ ინფორმაციაზე (ანონსებზე, ნიუსებზე, არქივებსა და ფოტო/ვიდეო მასალებზე და სხვ.) შემსყიდველის შეუზღუდავი წვდომის შესაძლებლობა; საჭიროების შემთხვევაში შემსყიდველისათვის პერსონალური მომხმარებლის სახელის და პაროლის გამოყოფა, რომელიც უზრუნველყოფს ინტერნეტ-ბაზაში/ვებგვერდზე დაშვებას და საშუალებას მისცემს შემსყიდველს მიიღოს განახლებული ინფორმაცია. შემსყიდველს უნდა ჰქონდეს პრეტენდენტის საინფორმაციო ვებ-გვერდის არქივში არსებული, საქართველოს საკონსტიტუციო სასამართლოს საქმიანობასთან დაკავშირებული, ყველა სახის (აუდიო, ვიდეო და ფოტო) მასალის მიმწოდებელთან შეთანხმების გარეშე გამოყენების შესაძლებლობა;

ფასების ცხრილი (დანართი N2)

№	საინფორმაციო სააგენტოების მომსახურება	რაოდენობა		ერთეულის ღირებულება	საერთო ღირებულება
		ცალი	თვე		
1	საკონსტიტუციო სასამართლოს საქმიანობის, ჩასატარებელი/ჩატარებული ღონისძიებების (პრესკონფერენციების, პრეზენტაციების, კონფერენციების და ა.შ) შესახებ ანონსების/ინფორმაციების მომზადება, მიმწოდებლის ვებგვერდზე განთავსება და სხვადასხვა მედიასაშუალებებისათვის ელექტრონული ფოსტის საშუალებით მიწოდება	120			
2	საკონსტიტუციო სასამართლოსათვის მნიშვნელოვან/საინტერესო საკითხებზე ინტერვიუების და კომენტარების მომზადება, მიმწოდებლის ვებგვერდზე განთავსება და სხვადასხვა მედიასაშუალებებისათვის ელექტრონული ფოსტის საშუალებით მიწოდება	20			
3	შეთანხმებული თემით მიმწოდებლის ვებგვერდზე გამოკითხვის ჩატარება	10			
4	საკონსტიტუციო სასამართლოს მიერ მიწოდებული ვიდეომასალის შეძლებისდაგვარად მოკლე დროში მიმწოდებლის ვებგვერდზე არანაკლებ 24 საათით განთავსება და საკონსტიტუციო სასამართლოს პრესრელიზზე მიბმა	15			
5	ქალაქ თბილისის და ქალაქ ბათუმის მასშტაბით გამართული საკონსტიტუციო სასამართლოს ღონისძიებების ფოტო-გადაღება (თითოეულ შემთხვევაში არანაკლებ 10 (ათი) ფოტო)	30			
6	მიმწოდებლის ვებგვერდზე არსებულ ინფორმაციაზე (ანონსებზე, ნიუსებზე, არქივებსა და ფოტო/ვიდეო მასალებზე და სხვ.) შემსყიდველის შეუზღუდავი წვდომის შესაძლებლობა		9.5		
ჯამი					

შენიშვნა: პრეტენდენტი ვალდებულია ფასების ცხრილში წარმოადგინოს სატენდერო დოკუმენტაციით გათვალისწინებული თითოეული მომსახურების ერთეულის ღირებულება. ხსენებული ღირებულების მიხედვით მოხდება ყოველთვიურად ფაქტობრივად გაწეული მომსახურების ღირებულების ანაზღაურება. ცხრილით განსაზღვრული 6 (ექვსი) მომსახურების ჯამური ღირებულება არ უნდა აღემატებოდეს შესყიდვის ობიექტის სავარაუდო ღირებულებას.